

KONTAKT

KYRKJEBLADET FOR MELAND · NR. 3/21 · 31. ÅRGANG

s. 4: KONFIRMANTANE PÅ LEIR

Håkon - Spesialprest med hjarte for ungdom

Tekst og foto: Solveig Westermoen

“Ungdom er ikkje framtidens kyrkje! Dei er dagens kyrkje!” Spesialprest Håkon brenn for ungdom og unge vaksne, og har brukt dei to første åra i Meland kyrkje til å planleggja og starte opp nytt arbeid for denne fokusgruppa.

Håkon Kinsarvik er spesialprest i Meland kyrkjelyd. Han vart tilsett våren 2019 og har no hatt sine første to år hos oss. “Når eg vart tilsett var avtalen at eg skulle bruka det første året til å observera kyrkjelyden, finna ut av behova og velja eit fokusområde” seier Håkon. “Soknerådet hadde eit klart ynskje om å bruka mine ressurser inn mot barn og ungdom, og det er der eg har kommet fram til at eg vil vera”.

Håkon hugsar at det første halve året han jobba i Meland, var han svært takksam for å kunne stå litt på utsida og observera, i tillegg til å gjera dei vanlege prestetenestene. Han var med på Løvegjengsamlingar, konfirmantarbeid og ungdomstilboda kyrkja driv saman med Indremisjonen; Yngres og Tenklubben. Han tenkte mykje, og fekk lagt gode planar for det vidare arbeidet.

“Eg var, og er, heldig som har gode folk rundt meg. Eg gjer ikkje dette arbeidet åleine, og det er viktig å få fram at vi er ei gruppe med menneske som jobbar med dette”. Håkon har høyrte frå andre spesialprestar at mange opplever å stå litt åleine i tenesta. Dei opplever i nokre tilfelle at når dei har fått tildelt eit fokusområde, så vert heile ansvaret lagt på dei. Slik er det ikkje i Meland. “Samarbeidet med andre er både frigjerande og ansvarleggjerande” seier Håkon. “Vi er fleire som kjem med idear, det er fleire ballar i lufta. På den måten er det spennande. Men planar vert skrivne ned. Det er nokon som følger opp og etterlyser framdrift. Det er bra. Det treng eg”.

Ein av planane som kom ut av dette arbeidet, er konseptet Ungkyrkja. Dette skal vere eit lågterskeltilbod til ungdom og unge vaksne, der dei kan koma saman ein gong i månaden og feira gudsteneste, og ha sosialt samvær i for- og/eller etterkant.

Og så kom mars 2020

Dette halvanna året har vore utfordrande for alle - også for kyrkja og dei som jobbar der. “Eg hadde ikkje peiling på korleis eg skulle løysa desse nye utfordringane når kyrkja vart stengd”, seier Håkon. “Men det hadde ingen andre heller!” ler han, “så vi måtte berre finna ut av det saman, og gjera det beste ut av det!”

Prestane og resten av staben har jobba hardt for å halda både aktiviteten og motet oppe hos kyrkjelyden. Dei har gjort seg mange erfaringar og sett at nye tilnæringsmåtar kan vere ei kjelde til vekst.

“Vi har hatt høve til å halde mindre gudstenester for særskilte grupper”. Håkon trekk fram eigne Løvegjenggudstenester og eigne gudstenester for konfirmantar som eksempel. Skuleåret 20/21 har Håkon hatt mykje ansvar for konfirmantane på Rossland. Med dei har han feira gudsteneste på omlag kvar samling dei har hatt. På han verkar det som dette har vore viktig for konfirmantane. Dei har fått eit godt fellesskap i gruppa, og fått vita og kjent på at dei er del av eit større fellesskap.

“Ungdommane er ikkje morgondagens kyrkje!” sier Håkon, tydeleg engasjert. “Dei er dagens kyrkje, dei er kyrkja! På lik linje med alle dei andre som og er med og utgjer Meland kyrkjelyd.”

ALT I CATERING
NORDHORDLAND FOLKEHØGSKULE
www.catering.com • tlf. 56 17 43 23

 **GLØDE**
Arbeids- og Kompetansesenter

Vi tilbyr utleige av flotte festlokale og har gode cateringtilbod til dåp, konfirmasjon, jubileum og minnesamvær.
Sjå www.glode.no eller ta kontakt på 56 17 58 00

NY STEIN · OPPUSSING · NAVNETILFØYING

VESTSTEIN
naturstein

Kontakt oss på forhånd i telefon og gjør avtale
5918 FREKHAUG - MOB: 913 13 480

Ein “spesialprest” er ei stilling i den norske kyrkja. Stillinga er ei ordinær prestestilling med særskilt ansvar for, og kompetanse til, å betjene bestemte grupper. I Meland er deler av denne stillinga dekkja av givertenesta.

At Håkon brenn for dette arbeidet er det ingen tvil om

“Meland kyrkje er min andelege heim” seier han. “Eg kjende det veldig sterkt i sommar, då eg hadde ferie, og kom heim på gudsteneste i Meland. Det er godt å kjenna seg heime ein plass.” Slik ynskjer han at fleire skal ha det.

Arbeidet med ungdom og unge voksne gjennom Tenklubben og Ungkyrkja har på mange måtar verka som eit nybrottsarbeid, men tufta på gamle grunnmurar.

Tenklubben bygde på SKrUL - ungdomsklubben til Indremisjonen. Men mangel på frivillige vaksne gjorde at dette tilbudet aldri fekk tatt heilt av. Så dette har lagt brakk den siste tida. Målet er samlingar på Frekhaug bedehus annankvar laurdag. Håkon er viss på at dette vil bli ein viktig arena å møta ungdom. “Då eg vaks opp, var eg mykje på bedehuset” seier Håkon, og ynskjer at Tenklubben kan vera ein stad der ungdom kjem saman, syng og spelar i lag, og høyrer om og vert glade i Jesus.

Ungkyrkje er eit nytt konsept for Meland

“Vi treng eit tilbud for ungdom som er ferdig med konfirmanntoppleset”. Det er diverre ei kjend sak at mange kyrkjer opplever at de mister taket på ungdomane etter konfirmasjonstida. Ungkyrkje skal vere eit tilbud til desse. Gjennom leiartreningsgrupper, leir og faste ungdomsgudstenester håper Håkon at ungdom og unge vaksne vil finna ein heim i Meland kyrkje.

Til slutt ynskjer Håkon ungdom og unge vaksne velkomne til gudsteneste i Meland kyrkje. Han håpar og at fleire frivillige vaksne vil melde seg som leiarar, og at alle kan vera med og be for barne- og ungdomsarbeidet i kyrkja.



Håkon Kinsarvik



Hageland

Søderstrøm Blomster og Hagesenter AS
Lyngvegen 1, 5914 Isdalstø
tlf. +47 56 35 17 65
mobil +47 926 08 647



SKARSVÅG
Rør og Interiør as



Telefon: 56 17 07 10 Telefaks: 56 17 07 11

Besøksadresse og Postadresse:
Melandsvegen 15, 5918 FREKHAUG

Mandag-Fredag 08.00-16.00 Lørdag : STENGT

For avtale etter kl. 16.00 alle hverdager,
ta kontakt på telefon: 56 17 07 10

Vil firmaet ditt støtte
Kontakt?

Skriv til oss på
post.meland@kyrkja.no

Konfirmantleirar 2021



Konfirmantar på Fjell-ly prøver å forme eit stadnamn - ser du kva for eitt? Foto: Ruben Sæle



Konfirmantleiren i 2021 måtte delast over to helger pga koronasituasjonen. Rosslandsgjengen var på Raknestunet på Osterøy og dei andre var på Fjell-ly på Sotra. “ Foto: kyrkja i Meland



LIKAR DU DET DU LES?

Nokre tilsette og frivillege brukar tid og ressursar på å skriva om saker som me vonar gjer bladet innhaldsrikt og interessant å lese. Men trykking og distribusjon kostar. Nokre av desse utgiftene vert dekte av våre fantastiske annonsørar, noko vi er utruleg takksame for!

Men vi treng meir støtte, og viss du har lyst å støtte kyrkjebladet, så kan du det!

Set inn valfritt beløp til kontonr: **36320704019** eller bruk VIPPS til nr **59301** Merk innbetalinga med “Støtte til KONTAKT

Tusen takk.

Helsing redaksjonen i KONTAKT

v:pps
nr. 59301

Etikk i fokus – kvifor det?

Tekst: Arthur Kleiveland

Foto: Privat

Svaret på spørsmålet overskrifta stiller, er: Fordi det handlar om dei vala vi gjer kvar einaste dag.

– Måten vi snakkar om kvarandre på er utruleg avslørande. Til sist er det kvardagsvala som blir avgjerande – dei avslørar bakanforliggjande haldningar, seier tidlegare Bjørgvin-biskop Ole D. Hagesæther.

«Skal eg seia ja eller nei?» «Skal eg gje eller ta?» »Skal eg oversjå, tilgje, kryssa grenser, stå opp for noko eller velja minste motstands veg?»

Når kyrkjebladet tar opp etiske spørsmål, ser ikkje Hagesæther bort frå at det kan vera nokon som «ryggar».

– Mange opplever etikk som noko veldig teoretisk, moral på si side kan opplevast påtrengjande. Men det treng ikkje vera slik. Vi treng etikken til å underbyggja dei vala vi gjer. Moral er rygggrada i livet vi lever, og handlar om daglege, meir eller mindre ubevisste val – slik det er tusen av i løpet av ein dag, seier Hagesæther.

El-bil, samliv og livets slutt

Han meiner valet mellom el-bil eller bilar med fossilt drivstoff bør vera gjenstand for etisk refleksjon. Det same gjeld viljen til gjenbruk. Og Hagesæther held fram:

– Korleis vi ordnar samliva våre bør ikkje vera basert på det tilfeldige. Våre val ved livets start og avslutning bør absolutt sjåast og reflekterast i eit etisk perspektiv, seier han.

Vi lever berre ein gong, vi har aldri gjort det før. Hagesæther ser det er veldig krevjande å velja veg utan haldepunkt – spesielt når vi ikkje har viskelær i verktøykassen. Difor tenkjer han det kan vera klokt å lytta til andre sine erfaringar, særleg når ein kjenner eit personleg behov.

Ein farfar i livet

– Ingen ønskjer å få kloke menneske sine «storarta erfaringar» tredd nedover hovudet på seg. Annleis er det når råda kjem frå ein som vi har tillit til, seier Hagesæther, og samstemmer med artisten Odd Nordstoga om at «Ein farfar i livet skull' alle ha» - «ein bessfar å vende seg til

KNARVIK  **SENTER**

Møteplassen for handel og kultur



med alt ein går rundt og lurar på». «For farfar har vore her før».

– Vi treng forbilde. Teikningar som nokon før oss har lagt etter seg, og som vi andre kan bruka når vi skal teikna våre eigne liv, seier Hagesæther. Som gut hadde han eldre kristne ungdommar som forbilde. I samlivet med Else Liv har han og kona hatt andre ektepar som forbilde.

– Vi ser korleis dei møter kvarandre, ventar på kvarandre, og stimulerer kvarandre.

«Fru Johnsen»

Ole D. Hagesæther er tydeleg på at vi sjølv må ta ansvar for dei vala vi gjer, og at vala våre i praksis viser kva moralsk standard vi har.

– Vi kan lytta til andre, men er ansvarlege for vala sjølve. Slik må det vera - vi er frie menneske. Det er plagsamt når andre menneske tiltar seg definisjonsmakt og bestemmer over andre sine liv.

Hagesæther viser til kontrastane som «Fru Johnsen» opplevde, ifølgje Inger Lise Rypdal sin song; «Tilsynet for høg moral» sette seg til dommar over hennar livsførsel, samtidig som dei sjølve i det skjulte levde usannferdig og løgnaktig. - Det må ikkje vera slik, seier han.

Vårt store forbilde

Hagesæther framhevar at vårt store felles forbilde, Jesus, sette alt på plass då han sa at den som var rein, kunne kasta den første steinen (Johannes-evangeliet kapittel 8).

– Vilje til å vera raus er eit kjenneteikn på god moral. Respekt for menneskeverd er ein verdi alle bør samla seg om. Over heile jorda er Jesus eit udiskutabelt forbilde. Han levde som han lærte. Han har heile oversikta.

– Her i kyrkjelydsbladet vil vi henta fram nokre av dei sterke formuleringane han la igjen etter seg. Livsstilen hans viser oss moral i praksis.

FYLKESORDFØRAR JON ASKELAND:

- Asylsaka var eit stort etisk dilemma

Tekst og foto: Håkon Glatved-Prahl

Usemjå og dei steile frontane i samband med forslaget om å leggja eit asylmottak til Hordabøheimen i 2015, var den verste saka Jon Askeland hadde som ordførar på Radøy.

– Det var eit ufatteleg etisk dilemma. På den eine sida hadde Noreg som nasjon ei plikt til å hjelpa fortvila flyktningar ved å leggja til rette for asylmottak i kommunane. På den andre sida utløyste forslaget om asylmottak på Hordabøheimen både sinne og sterke anklagar. Radværingane var splitta på ein måte som tok nattesøvnen frå meg meir enn ein gong, seier Jon Askeland.

Han hugsar folkemøte frå den tida som var heilt forferdelege. Det er eigentleg det verste som kan skje eit lokalsamfunn, at ei bygd og innbyggjarane i kommunen kan bli så fullstendig splitta i ei så krevjande sak, meiner han.

– Det var særdeles tungt. Men så viste det seg at det ikkje blei semje mellom Norsk Mottaksdrift og huseigar Radøy Bemanning AS om leigeavtale, og planane på Hordabøheimen vart skrinlagde. Cirka trekvart år seinare vart det etablert asylmottak på Radøytunet. Og då stilte Hordabø opp! Det var flott å sjå! Heile Radøy-samfunnet stilte opp for asylantane.

To store etikksaker

Den sindige senterparti-karen frå Sæbø vart vald til ordførar i Radøy i 2007, og gjekk frå dette vervet direkte over til å bli fylkesordførar i nye Vestland fylkeskommune for to år sidan. Han meiner det var langt fleire etiske problemstillingar tidlegare enn i våre dagar.

– Etikken er løfta fram på ein måte som gjer at vurderingar om kva som rett eller feil er gjennomgåande i all saksutgreiing og styresett, seier han.

Fylkeskommunen har nedfelt etiske retningslinjer og har også eit etikkutval.

– Har det vore mange saker i etikkutvalet?

– Nei, faktisk ikkje, ingen saker har hamna i dette utvalet. I mi tid som fylkesordførar har vi hatt to store, etisk utfordrande saker, men begge desse sakene vart raskt løfta opp på eit høgare nivå og fekk si løysing der.

Positivt med friske debattar

Askeland trekkjer samstundes fram kommunelova, som

også er tydeleg på kva som er innanfor og uanfor dei etiske normene.

– Det normative – kva samfunnet meiner er rett og gale av dei folkevalde – er blitt langt trongare no enn for ti år sidan, for ikkje å snakka for 20 år sidan.

– Så merksemda rundt etikk er større i dag?

– Ja, mykje større. Vi lever i ei tid der individets rettar er blitt veldig framtrudande. Kommune og fylkeskommune har større krav på seg til å grunngje vedtak ut frå grunnleggjande rettspraksis, basert på eit likehandsamingsprinsipp.

Fylkesordføraren meiner vidare det er positivt og sunt med debattar på Facebook, men det er ikkje synspunkta framført på sosiale medier som skal vera retningsgivande for dei folkevalde sine vedtak.

– Men alt er blitt meir ope no, det er i dag heldigvis langt vanskelegare å gjera vedtak i lukka rom.

– Knytta neven mot meg

– Har du nokon gong fått karakteristikkar mot deg som du føler er over streken?

Jon Askeland stryk den 17 år gamle katten Mimmi over pelsen medan han tenkjer etter.

– Eg trur ikkje eg har opplevd det. Eg har nok vore heldig i så måte. I samband med diskusjonane før kommunesamanslåinga var det nokre steile frontar som utkrystalliserte seg, og det kunne koma litt tøffe kommentarar, men når folk er veldig engasjerte, må dei få lov til å ytra seg. Men for all del – eg har hatt folk på ordførarkontoret på Manger som nærmast har knytta neven til meg, seier Askeland, og held fram:

– Når enkelte har vore fortvila over eit eller anna og bedt om eit møte med meg, så har eg svara: Eg kan kanskje ikkje hjelpa deg, men eg vil gjerne høyra på deg. Det er ein type etikk i det også. Det kan gagna både personen og situasjonen, og for meg som tillitsvald er dette av stor verdi. Mange ønskjer å møta ein tillitsvald – som ordføraren – i staden for administrasjonen.

– Ein klapp på skuldra hjelper

– Har du døme på at du sjølv har brukt uttrykk overfor



Det er vanskeleg å fastslå om det var katten Mimmi eller Jon Askeland som var mest glad for å sjå kvarandre igjen etter at fylkesordføraren kom tilbake frå ferie i Nordfjord. Tilfredse er dei i alle fall begge to.

personar som du har angra på i ettertid?

– Eg vel å tru at eg ikkje har gått til djupe personangrep, men at eg har slurva med leppa i kampens hete, er det ingen tvil om.

– Har du som ordførar måtta klubba ned ufine kommentarar?

– Ja, så klart, det har eg. Ein må gjerne føra heftige debattar, men eg har som leiar både i Radøy og i fylket uttalt at eg ikkje vil tolerera ufin oppførsel. Eg har alltid meint at ein etter tøffe ordskifte skal kunna klappa kvarandre på skuldra etterpå, også om du har blitt klubba ned. Det har eg vore heilt klar på, seier Jon, som har politiske motstandarar blant sine beste vener.

– Har det å vera politisk leiar gjort noko med di eiga etiske tenking?

– Eg kan i alle fall seia følgjande: Pass alltid på dei som står bakerst i køen. Eg er blitt meir bevisst på at samfunnet sin kvalitet blir målt på korleis vi tek vare på dei svakaste, dei som har færrest talspersonar. Det har vore ei nyttig erkjening og ei viktig haldning å ha opp gjennom åra, avsluttar Jon Askeland på gardstunet heime på Sæbø.

**Knarvik
Blomsterstove** 

Kvassnesvegen 11 – 5914 Isdalstø
Tlf: 56 35 62 20 – www.knarvikblomsterstove.no

VATNE
begravelsesbyrå 

Tlf: **56 35 09 10** (24t)
Kvassnesvegen 11, 5914 Isdalsbø
vatne-byra.no



Øyvind Heggernes er 42 år, kjem frå Askøy, bur no i Austmarka på Radøy. Gift med Karethe, to born. Jobbar som helsefagarbeidar på Meland sjukeheim.

Øyvind Heggernes, helsefagarbeidar og gatemisjonær.

TRENG DU NOKON Å SNAKKE MED?

Nokre som ringer tenkjer på å ta sitt eige liv,
andre er usikre, einsame eller redde.
Nokre treng berre å slå av ein prat.

Ring eller skriv: Vi er her. Alltid. [kirkens-sos.no](https://www.kirkens-sos.no)

SOS
22 40 00 40

SOS
CHAT

SOS
MELDING

KIRKENS
SOS

Ei spennande fortid, ei spennande framtid

Tekst: Anne Sofie Nergård Uthaug og Gunvor Taule Mjanger

Foto: Gunvor Taule Mjanger

Øyvind Heggernes skil seg litt ut frå dei fleste helsefagarbeidarar. Ei litt tøff ytterside rommar eit bankande hjarte for dei eldre han arbeider med. Men den rommar også ein historie som er verdt å høyre.

Eg møtte Øyvind på Meland sjukeheim på besøk til mor mi, fortel Anne Sofie. Ho innrømmer at ho vart overraska med det same, ein stor sterk mann med nokre tatoveringar som bar preg av eit anna liv. Men ho såg også at han hadde eit godt lag med bebuarane med eit mildt og fint vesen - god til å aktivisera dei gamle, og med mykje respekt for hennar mor med demenslidning.

- *Korleis hamna du her, Øyvind?*

- Eg har ei historie, ei spennande fortid, men ei spennande framtid også, seier Øyvind. Han vaks opp i ein kristen heim med ein god barndom. Starta med litt festing i 14-årsalderen, slik dei fleste unge rundt han også gjorde. Nokre av dei drog det litt lenger enn dei andre, starta med hasj og gjekk vidare til andre stoff. Øyvind kom i fengsel første gong som 18-åring, han feira dagen der. Då var han avhengig av amfetamin og han vart introdusert for heroin i fengselet. Han vart heroinbrukar fram til han var ca 30 år. Ni fengselsopphald vart det, og han brukte stoff heile tida. Litt stoff innanfor fengselsmurane gjev rolegare forhold, det vil alltid vera stoff i fengsel, trur han.

Mora har alltid bede for sonen sin. For 25 år sidan sa ho at ho var roleg for han, ho hadde lagt Øyvind i Guds hender. Ho var sikker på at han ville bli gatemisjonær. Øyvind beundrar mor si: - Når alt går på skinner og du kan ropa halleluja, er det lett å tru på Gud. Det er vanskelegare når du står i stormen, men ho gjorde det.

No er han gatemisjonær, i Bergen.

Vart fri

Øyvind prøvde avrusing i institusjon fleire gonger, utan å lukkast. Mora spurte om han ville prøva ein gong til på ein kristen rehabiliteringsheim, og han sa ja. Då kom han til

Nappane, og han hadde med seg heroin for nokre dagar. Så ville han ringja mora og seia at han hadde prøvd, men det gjekk ikkje. Men, då møtte han Jesus som han aldri før hadde gjort det, og vart fri! Fri frå rus, abstinensar, banning og alt anna som følgde med.

– Slike vitnemål gjev anten håp, eller ‘-ja,ja, slik har det ikkje vore for meg’.

– Kvifor det vart slik for meg og ikkje for andre, veit eg ikkje, seier Øyvind. – Det er ikkje alt me kan forklara. Gud veit mykje me ikkje veit.

Øyvind har stor tillit til Gud. Han vil be for folk, fordi Jesus seier me skal gjera det. Så ligg det i Guds hand vidare. Sjølv har han framleis vondt i ryggen. Han kan ikkje forklara kvifor, når han er fri alt det andre som har plaga han, men Gud veit det.

– Me trur på personen Jesus og hans historie, men ofte trur me lite på det han ber oss om å gjera, seier Øyvind. Sjølv trur han 100 % på Jesus, han trur det er mogeleg å følgja Jesus og gjera som han har sagt.

Øyvind har ikkje hatt ein dag han har hatt lyst på rus, minna tyngjer han ikkje. Han er på gata i rusmiljøet kvar veke. Dei som kjenner han der, seier han er ein annan. Han ber bilete av den himmelske, slik det står skrive, trur han.

Frimot og respekt

Etter opphaldet på Nappane, jobba han der ei tid, før han fekk eit vikariat på Bergen Kontaktsenter. Kristen rusomsorg er mykje vilje og evne, men mindre fag, hevdar Øyvind.. Han ville jobba med menneske med rusproblem og ta helsefagutdanning, sidan han såg behovet for fag. I utdanninga fekk han praksis på Meland sjukeheim, og likte seg godt. Sjefen sa han gjorde ein god jobb, og gav han stilling der. Øyvind har no vore der i fem år, og trivst framleis godt. Han er glad for at han får vera kristen på jobb, vera med å møta også det åndelege behovet til dei som bur på sjukeheimen, når dei ønsker det.

Er dei tøffe erfaringane dine noko du har nytte av i arbeidet ditt no?

– Det eg har gått gjennom, har gjort meg til den eg er, seier han, og det er den eg er Gud vil bruka. Øyvind veit kva einsemd og isolasjon i institusjon er for noko, og kan bruka ei brokete fortid til noko positivt. Han vil gjera dagane for andre litt betre. « Alle ting tener til det gode for dei som elsker Gud», står det skrive.* Gud kan bruka vonde erfaringar når dei først er der, til noko godt. – Eg prøver å tenkja at det kunne vore mine foreldre som budde på sjukeheimen, seier Øyvind.

Det viktigaste er ikkje at det er strekk i lakenet, at gardinene heng rett og slike ting. Dei som bur på sjukeheimen skal kjenna seg meir som eit menneske enn som ein pasient. Dei skal ha det godt, seier Øyvind.

*Rom 8.28



Fengselstatovering med ny tyding: Always carry a Bible.

EL.INSTALLASJON - INGENIØRTENESTER - SERVICE



Torvhusmyrane 6
Nordhordland Næringspark
5913 Eikangervåg

Tlf: 56 34 24 30
E-post: post@helland-elektro.no
www.helland-elektro.no
Foretaksregisteret: NO 986 751 718 MVA



SIKRINGEN
- din elektriker

Arbeidsbåten MS Glimt klar for oppdrag

Allsidig arbeidsbåt som kan frakte materiell og utstyr til din kai eller i fjæresteinene der du trenger det.

Båten har alle sertifiseringer i orden, den er også godkjent som seiebåt.

MS Glimt er har et dekkareal på 22 m², og en kapasitet på 3 tonn. I tillegg er det en kran med 8 meter rekkevidde. Det er også en løpeevne som kan legges ned for å frakte faks, minigraver, ATV, motorisert tillebb, vfl, stillas eller lignende. Båten stikker 1 m djupt.

Vi kan levere totalpakker med båttransport, stillas, maskinutleie, tømrere og malere, alt du måtte ha behov for. Vi har personell og utstyr til å bygge/rehabiliterer kaier, naust, hytter og hus.

Ta kontakt på tlf. 4013 6666

Bøvågen Service AS
Bøvågvegen 16, 5934 Bøvågen
Tlf. 4013 6666



RISNES



ELEKTRO AS

Elinstallatør · tlf. 56349620

Bygg Team



VEST AS

Alt innan tømrarfaget!

Konfirmasjon

Av sokneprest Kjell Johan Sekkingstad

Konfirmasjonstida er ei tid for læring, og konfirmantar har lært meg mykje. For dei stiller slike spørsmål:

Har du nokon gong tvilt på Jesu oppstode?

Trur du på «Big Bang»?

Kva ventar oss når vi døyr?

Er det kjekt å vera prest?

Eg har undervist konfirmantar i meir enn 25 år. I alle desse åra har ungdomane stilt spørsmål og utfordra meg, og det har fått meg til å forstå kva det er å vera ung, kva det er å vera menneske og medmenneske, og om livet. Det har gjort noko med meg og med trua mi.

Ordet konfirmasjon kjem frå det latinske confirmare som tyder å stadfesta, styrkja, kveikja opp. Tidlegare låg vekta på at det var konfirmanten som stadfesta Guds-trua si. Det er framleis mange som fortel at på konfirmasjonsdagen svara dei ja på at dei ville stadfesta dåpslovnaden, og dei ser tilbake på dette som ein viktig dag og eit viktig svar.

I dag er det større forståing for at tru ikkje er noko statisk. Trua endrar seg med tida og med erfaringar som vi gjer. Tru og tvil lever side om side og dominerer i vekslande grad.

Difor er konfirmasjon ei tid for å læra meir om kven den treeinige Gud er. På same måten som vi styrkjer og fornyer relasjonen når vi møter nokon vi har møtt før – kanskje for lenge sidan, er konfirmasjonstida ei tid for å fornya og styrkja relasjonen til Gud. Og i den avsluttande forbønsgudstenesta seier Gud: «Her er vi, du og eg. Eg stadfester relasjonen vår. Eg styrkjer deg, og gjev deg kveik til livet vidare.»



Robert Hermansen og Emilie Sofie Kalland er to av konfirmantane på Manger i år.

HELÅS AS

- Gravminner og benkeplater
- Salg av nye steiner
- Vedlikehold
- Reparasjoner (nytt gull eller lakk)
- Navnetilføyelse
- Arbeid på kirkegårder (rette opp og sikre steiner)

Bare ta kontakt dersom du har spørsmål.
Tlf 93 03 75 94 / 56 37 35 45

GÅRDBRUKERSERVICE

LANDBRUK & MARINA

Etablert 1981

KULTUR- KALENDER

Søndag 26. september

Kl. 18.00 i Manger kyrkje. Fri entré.

«Jeg går i tusind tanker»

I høve 250-års-jubileet for Hans Nielsen Hauge tek Frode Skag Storheim oss med inn i Hauge si verd gjennom historie, kunst og musikk.

Meir info og reservasjon av plass på <https://autunnale.no/program-2021/hans-nielsen-hauge/>

Sjå også <https://kyrkja.no/bjorgvin>

Laurdag 23. oktober

Kl. 16.00 i Knarvik kyrkje:

«Eit lite rom» - konsert med Else Olsen Storesund (song, piano, trøorgel) og Solveig Sørheim (song, orgel, trøorgel).

Søndag 24. oktober

Kl. 19.00. Minnekonsert i Meland kyrkje for Arvid Sakseide.

Velkommen til ein konsert der vi vil minnast Arvid i tonar og ord. Eit variert musikalsk program vert framført av nokre av dei aktørane Arvid hadde samarbeid med.

Fredag 12. november

Kl. 19.00. Konsert i Meland kyrkje med Solveig Leithaug.

Onsdag 20. oktober

Kl. 19.00 i Knarvik kyrkje

Prest og forfatter Eyvind Skeie kjem til Knarvik onsdag 20. oktober kl. 19. Skeie vil leie ein salmekveld, og med på laget er Alversund kammerkor. Skeie står bak 600 salmar, og han har gitt ut ei eiga salmebok med salmar han sjølv har dikta eller omsett. Skeie er ein av dei med flest salmar i Norsk salmebok. Mellom mykje anna har han også skrive manus til Sesam stasjon og Portveien 2.

Skeie seier sjølv om salmekvelden: «Det gir meg stor glede å komme rundt i norske kyrkjelydar. Det er fint å kunne presentere sine salmar og tankar, men alle best er det å kunne dele inspirasjon og glede. Eg vil gjerne at folk skal oppleve eit rikt spenn av kjensler på salmekveldane mine. Salmen er først og fremst menneskets stemme, i tekst og musikk. Den er gudshenvendelse, i slekt med bønna, både i glede og sorg, tru og tvil.»

Det blir gratis inngang og kollekt ved utgangen.



Tilbake i kirkebenken etter nedstenging

Tekst: Jan Rantrud, benkesliter i Melandkyrkja.

Det var litt som å komme hjem fra eksil. Vår tid utenfor et korona-lukket kirkebygg var jo slett ikke i nærheten av så dramatisk eller så lenge som Israels-folkets mange tiårs eksil i Babylon. De var tvangsfordrevne flyktninger i et annet land. Vi har bare måttet passe på et par meters avstand til hverandre. Men Israels-folket satt ikke bare ved Babylons elver og gråt over savnet av Sion. De tok vare på det de hadde samtidig som de lærte mye nytt. De skrev profetiske og poetiske skrifter og hadde med seg mye nytt tilbake.

Det har vi også. Prester, stab, råd og frivillige har mestret uvante situasjoner

på glimrende måte, og gitt oss gudstjenester, forkynnelse og musikk på nett. Vi har hatt rebusløp, uteaktiviteter og kunstutstilling. Mange av oss har fått oppgradert IT-kunnskapen, i mitt tilfelle fra nesten null til litt over.

Mange av oss her i Alver har jo sluppet billig fra pandemien, og jeg for min del er svært glad for å kunne sitte i trebenkene i Melandkyrkja på søndagene for å få tilbake strukturen på ukene. Og for å oppleve igjen fellesskapet av levende mennesker, levende liturgi og musikk.

Og for å kunne se fram til å sitte i nye seter i en ny kirke på Frekhaug.



Frå kyrkjebenken

Tekst: Per Bjørkhaug

Foto: Aud Bjørkhaug

– Kor lenge har du vore aktiv i kyrkjelyden?

For meg starta aktivitetssauken i kyrkjelyden i Radøy med å delta i soknerådet i 2 perioder frå 2012 - 2019. Dette opna opp for mange nye spennande bekjentskap. Oppgåver som medliturg på gudstenester, og deltaking i Utval for Diakoni og Misjon er fellesskap og tenester som er inspirerande å vera med i. Desse har gitt meg anledning å bli kjend med mange nye, flotte personar i kyrkjelyden vår.

– Kva set du mest pris på ved kyrkjelyden?

Gudstenestefellesskap der Jesus Kristus vert forkynt, og at vi har 2 flotte, svært dyktige organistar, som berikar gudstenesteopplevinga for oss; når dei leier og lyfter oss i salmesong, lovprising og all musikk dei bidreg med. I tillegg vil eg nemna alle dei gode opplevingane som berre kjem når vi samlast, anten til gudsteneste eller i andre samanhengar.

– Korleis vil du skildra kyrkja?

Hordabø kyrkje er mi nærkyrkje og den eg kjenner meg mest knytt til. Det har sikkert og noko med at det var her far fortalde han i sin ungdom gjekk og hørde på prestane Holmås og Rød. Her møter eg engasjerte folk både i kyrkjelydsutval og elles. Sjølv om ein alltid skulle ønskt seg fleire på gudstenestesamlingane, opplever eg at kyrkja betyr noko for folk i bygda og vert sett pris på. Eg tenkjer at dette alltid vil vera ei utfordring at fleire kunne vera med og ta del.

– Kva salme syng du gjerne for tida?

Nett no er det ein gamal Kingo-salme frå 1689; ein salme alle kjenner og som dei fleste av oss har hatt med oss frå barndommen av. Ein salme som tidlegare ofte avslutta dei fleste kristne fellesskap. Eg tenker på salmen: Skriv deg Jesus på mitt hjerte, som dei fleste av oss har sunge mange gonger. Då kan det og vere at orda og innhaldet kan koma litt vekk i gjentakinga. Salmen vart på ein måte “ny” for meg att, då den for kort tid sida vart teke fram i ein andakt eg las. Her er teksten - til ny ettertanke.



FAKTA

Namn:	Per Bjørkhaug
Alder:	70 år
Bustad:	Villanger på Radøy
Yrke:	Pensjonist. Utdanna sosionom/ diakon. Har arbeidd i privat og offentleg sektor.

*Skriv deg Jesus, på mitt hjerte, du min konge og min Gud,
at ei lyst, ei heller smerte, deg formår å slette ut!
Denne innskrift på meg sett: Jesus i fra Nasaret,
den korsfestede, min ære og min salighet skal være.*

– Kva kjenneteiknar ein god kyrkjekaffi?

Den gode drøsen rundt kaffien er her eit sikkert kjenneteikn på “God Kyrkjekaffi”. Den har vore eit sagn i desse koronatider, men godt den no er på veg inn att.

 **NORDHORDLAND
BEGRAVELSESBYRÅ** Ditt lokale
gravferdsbyrå

ALLTID HÉR FOR
deg

DU NÅR OSS PÅ TLF. 56 37 14 10 - 56 99 25 70

Kyrkjevegen 1 Havnevegen 31 Elvavegen 1
Alversund Frekhaug Dalekvam


MELAND ELEKTRO
AUTORISERT ELEKTROENTREPRENØR

Mjåtveitflaten 45 • 5918 FREKHAUG
Tlf 56 17 87 00 • post@melandelektro.no
www.melandelektro.no

Linda til nye utfordringar

Tekst: Kristin B. Brakstad

Foto: Anne Sofie N. Uthaug

– Det som har vore mest kjekt, er å ha blitt kjent med så flotte folk i Lindås og Meland kyrkjelyd.

Det seier Linda Lunga, som etter 9 år sluttar som administrasjonssekretær på Meland kyrkjekontor.

Ho har samtidig vore nesten 2 år i samme type stilling på kyrkjekontoret på Lindås.

No går ferda vidare til kyrkjevevjestilling på Osterøy.

– Eg har likt godt at jobben har vore svært variert.

I Lindås sokn har eg fått jobba tett opp mot soknerådet, og det har vært veldig lærerikt og givande. I tillegg synest eg at det å ha hatt verv som hovedtillitsvalgt i Delta, og verneombud for dei ansatte, har vore nyttig.

Ho legg til at det er ein veldig fin gjeng i begge stabane, og i Alver kyrkjelege fellelsråd.



Ein vanleg kvardag ved pulten.

– Sjølv om jobben inneber mykje arbeid på PC, så er det òg ein svært sosial jobb. Meland og Lindås kyrkjelydar har frivillige som er positive og imøtekommande. Det har gjort jobben lettare, seier Linda til slutt.

Vi takkar Linda for den gode jobben har gjort, og ønskjer ho lykke til i det nye arbeidet som kyrkjevevje.



Vikaren Barbara Pekala er i gang.

Ny administrasjonssekretær

Barbara Pekala vart tilsett som vikar administrasjonsekretær frå slutten av august. Ho er 37 år, er gift, har to små barn, bur på Toppe i Åsane og er fødd og oppvaksen i Polen. Ho har budd i Norge i 9 år og har blant anna jobba i barnehage her i landet. Frå Polen har ho utdanning og erfaring innan administrasjon. Vi ønskjer lykke til i stillinga!

Meland Auto AS
Autorisert bilverkstad
www.melandauto.no



KIWI mini
pris

for alle med sans for lavpris
FREKHAUG SENTER

Åpningstider: Man-lør: 07.00-23.00

REMA 1000

FREKHAUG SENTER

tlf.: 56 17 60 00

Slekters gang

Døypte

Meland kyrkje

30.05.2021

Vegard Haugsdal Brakstad Leirstad

Maria Brandsøy Fjeldsbø

Meland kyrkje

13.06.2021

Amelia Eliassen Oppedal

Alexander Hitland Skarsvåg

27.06.21

Louise Leikvoll Haugland Pletten

Milian Frønningen Helland

4.07.2021

Kyrre Dale Bråthen

Emilie Dale Rogstad

1.08.2021

Magnus Midtlyng Wichstrøm

Frekhaug senter

9.05.2021

Emilian Martin Skurtveit Helle

Knarvik kyrkje

16.05.2021

Trygve Dalland Husabø

Asbjørn Dalland Husabø

Meland kyrkje

23.05.2021

Adelia Espetvedt Eknes

30.05.2021

Lauritz Sagstad Berg

Milian Odland

Ailin Wiig Andersen

8.08.2021

Samuel Berge Sagstad

Adelèn Hegdal Flåm

Linus Kjørnes Eggen

15.08.2021

Rikard Njaastad Bauge

Filip Nyland Forstrønen

Emma Gaustad Skåtun

Vigde

Meland kyrkje

24.07.2021

Jenny Marøy og David Campher

06.08.2021

Serlina Wiig Sulebakk og Simon Skarsvåg Furnes

14.08.2021

Lill Iren Kvalheim Vik og Ruben Vedå

21.08.2021

Sara Helen Romarheim og Vegard Hetlebakke

Gravlagde

Meland kyrkje

20.05.2021 Helga Margrethe Tveit (f.1955)

4.06.2021 Johannes Reigstad (f.1928)

18.06.2021 Gunnvor Dorthea Austegard (f.1925)

18.06.2021 Herborg Dorthea Ryland (f. 1921)

23.07.2021 Marie Marthinussen Blokhus (f.1926)

Kyrkjekjøkken og kyrkjevarme

Tekst og foto: Anne Sofie Uthaug

I vår vart det installert nye omnar under benkane i kyrkja. No skal ingen brenne fingrane eller skoa, og vi håpar på å både spare straum og skadar på kyrkja med dei nye omnane. Det har også blitt installert to nye kjøkken, eitt for kyrkjetenaren sine funksjonar og eitt for tillaging av kyrkjekaffi og liknande. Det har kome eit nytt vaskerom/lager og eitt kontor for kyrkjetenaren. Alt er pr dd (23.08) ikkje heilt ferdig, men det er i sikte.



Inntil vidare må nattverdalkane Kyrkjetenar Mounir Sarhan gler vaskast på gamlemåten - damping i seg over meir funksjonelle og finare arbeidsrom.



Nesten usynlege omnar under benkane og nypussa golv

Tankestrek

Rocket science og ungdomsarbeid

Av Håkon Økland Kinsarvik, spesiaprest

Vi lever i ei ny romfartstid! Dette får meg til å sitje oppe på kveldane og sjå på oppskyting av Space X sine romrakettar, som i framtida skal gjere turen mellom New York og London på berre 40 min, om ein skal tru Space X.

Nokre gongar er det oppskyting av satellittar som skal gå i bane rundt jorda og skape det raskaste internettet i verda og det skal vere tilgjengeleg over alt, til og med Nordpolen! Det er ei spennande tid og eg synes det er fascinerande å sjå pågangsmotet. Mange av raketane har feila, millionar har gått tapt, men likevel vel dei å prøve att. Hadde det vore meg, hadde eg for lengst lagt inn årene. Men dei har trua på at dei kan få det til! Og difor får dei det til!

Denne framtidsretta haldninga, at noko vakkert kan skje der framme, har noko fint og inspirerende med seg. At noko kan bli betre, raskare, meir bærekraftig. Eg trur det ligg i oss menneske, i at vi er skapte og samstundes har denne lengsla etter å sjå ei utvikling, vi er skapande menneske, og akkurat som vår skapar, ynskjer vi å gjere denne verda litt betre å leve i.

Eg vonar at vi i kyrkja kan ha ei slik haldning til tida som kjem. At vi i enno større grad skal kunne nå menneske med evangeliet om Jesus ute i verda og her heime.

At fellesskapa vi er ein del av, skal både vere prega av djupe, gode venskap og samstundes inkluderande - ein evig balansekunst. Når ein er med å byggje opp eit arbeid står mykje på spel - og det er litt som rakettoppskyting. Det er små ting som skal til i byrjinga før raketten eksploderer, eller ikkje klarar å lande att. Likevel prøver vi, heilt til vi klarar det.

Eg er så takksam for alle barn og unge i Meland Kyrkje, men vi har plass til endå fleire!

Når vi i haust startar Ungkyrkja, er det ei ny satsing på ungdom frå 10 klasse og oppover. Det krev tid, Guds nåde og mykje kreativitet for å få ein suksess, vi byrjar i det små, og så håpar eg at det etter kvart kan vere eit miljø av ungdom i kyrkjelyden vår som set preg på heile kyrkjelyden. Eg er nok litt nervøs! Men mest gler eg meg.



DEN NORSKE KYRKJA

Meland kyrkjelyd

Besøksadresse kontor og Møteplassen:
Havnevegen 31, Frekhaug
Postboks 117, 5906 Frekhaug

Opningstid:

Kontoret på Frekhaug er oftast bemanna man-fre 08.30-15.00. Ta kontakt for avtale.

Telefon: 4000 1691
kvar dag kl 10.00 – 14.00.
post.meland@kyrkja.no
www.melandkyrkja.no

Facebookside: Meland kyrkjelyd

Kontonummer: 3632 07 04019

Vipps: 59301

Hugs å merka kva betalinga gjeld.

Alver kyrkjelege fellelsråd

Lonsvegen 1, 5914 Isdalstø
post.alver@kyrkja.no
www.kyrkja.no/alver

Kyrkjeverje: John Fredrik Wallace

Leiar i fellelsrådet: Grethe Lunde,
gr-lunde@online.no

Soknerådsleiar:

Kristin Brakstad Traa, 959 10 883,
kristin@brakstadtraa.com

Kontakt

Utgevar: Soknerådet i Meland sokn, i samarbeid med Osterfjorden sokn, Mo sokn, Knarvik sokn og Radøy sokn.

Redaktør: Gunvor Taule Mjanger

Lokal redaksjon: Kristin Blindheim Brakstad, Solveig Westermoen, Anne Sofie N. Uthaug

Grafisk design: Simen Søvik

Trykk: Bodoni AS

Framsidedeilete:

Frå konfirmasjonsleiren på Raknestunet mai 2021. Foto: Kyrkja i Meland



Bjørn Tore Sæle

Sokneprest - 450 35 084
bs694@kyrkja.no



Ruben Sæle

Diakon med ungdomsfokus
400 01 691 - rs433@kyrkja.no



Anne Sofie Nergård Uthaug

Dagleg leiar - 404 62 647
au887@kyrkja.no



Anne Marit Fosse Dahle

Kyrkjelydspeagog - 400 01 691
ad423@kyrkja.no



Håkon Økland Kinsarvik

Spesialprest - 976 44 169
hk482@kirken.no



Mounir Sarhan

Kyrkjetenar - 471 91 961



Trond Fykse

Kyrkjelydsmusikar - 400 01 691
tf788@kyrkja.no



Helge Taranrød

Prost
ht759@kirken.no



John Fredrik Wallace

Kyrkjeverje
jw734@kyrkja.no



Barbara Pekala

Vikar administrasjonssekretær
400 01 691 - bp625@kyrkja.no



Følg oss på Facebook:
@melandkyrkja



Meland

GUDSTENESTE- KALENDER

Foto av Meland kyrkje: Morten Sæle

18. september

Kl.10.00
Kl. 12.00
Kl. 14.00
v/ Håkon Kinsarvik
Konfirmasjonsgudsteneste
Takkoffer til
kyrkjelydsarbeidet

19. september

Kl.11.00 v/Håkon Økland
Kinsarvik
Nattverd
Takkoffer til
kyrkjelydsarbeidet

26. september

Kl.11.00 v/prest Bjørn Tore Sæle
Sæle
Dåp og nattverd
Takkoffer til Den Norske
Israelsmisjon
Søndagsåpent

3. oktober

Kl.11.00 v/ Bjørn Tore Sæle
Takkoffer til
kyrkjelydsarbeidet
**Utdeling 4-årsbok /
Familiegudsteneste**

10. oktober

Kl.11.00 v/ Bjørn Tore Sæle
Dåp og nattverd
Takkoffer til misjonsprosjektet
i Midtausten. Det Norske
Misjonsselskap

17. oktober

Kl.11.00 v/Håkon Økland
Kinsarvik
Dåp og nattverd
Takkoffer til Det Norske
Bibelselskap

Kl.19.30 v/ Håkon Økland
Kinsarvik
Nattverd
Takkoffer til
kyrkjelydsarbeidet
Kveldsgudsteneste

24 oktober

Kl.11.00 v/ Bjørn Tore Sæle
Nattverd
Takkoffer til
kyrkjelydsarbeidet
**Løvegjengudsteneste /
Barnas misjonsgudsteneste**

31. oktober

Kl.11.00 v/ Bjørn Tore Sæle
Dåp og Nattverd
Dåp og nattverd
Takkoffer til misjonsprosjektet
i Midtausten. Det Norske
Misjonsselskap
Søndagsåpent

7. november

Kl.11.00 v/Håkon Økland
Kinsarvik
Nattverd
Takkoffer til
kyrkjelydsarbeidet

Kl.19.00 v/Bjørn Tore Sæle

Minnegudtjeneste

14. november

Kl.11.00 v/Bjørn Tore Sæle
Nattverd
Takkoffer til
kyrkjelydsarbeidet
Lys Vaken

Kl.19.00 v/ Håkon Økland
Kinsarvik
Nattverd
Takkoffer til Åpne dører
Kveldsgudsteneste

21. november

Kl.11.00 v/ Håkon Økland
Kinsarvik
Dåp og nattverd
Takkoffer til misjonsprosjektet
i Midtausten, Det Norske
Misjonsselskap

28. november

Kl.18.00 v/ Bjørn Tore Sæle og
Håkon Kinsarvik
Nattverd
Takkoffer til
kyrkjelydsarbeidet
Lysmesse / Søndagsåpent

Bønnedag i Meland kyrkje lørdag 13 november
frå kl. 10.00-15.00 meir info kyrkje.no/meland



Førsteklassingar vert intervjuua under "ranselbøn"
22.august. Foto: A.K.Uthaug